

YAKOBUS

Yakobusnge waŋe kuyarna

Maria nu Yesus te-pilna sulumba ngumnenga nu maŋ kiŋo bailkamba turmba kile-patikina ta nyu kat naŋgine Yakobus Yosef Simon Yudas. Ta tuku pasa ande Mateus 13.55 mboŋge minit.

Waŋe te Yakobusnge kuyarna. Maib nuŋe Yudas tuku waŋe mata Kuate tuku Pasa mboŋge minit.

1 ¹Israel tugu 12 kilke tugu kise kise mboŋge mine likade tane ŋakmba kaiye. Ye Yakobus Kuate le Suŋgo Yesus Kristus nale tuku piro taŋgo minet. Yeŋge tane tuku waŋe te kuyarbamba pilet.

Piti ngamukŋge saŋgri tiŋgap

²⁻³Tira kame, taŋgine ngamuŋgal son piti ngamukŋge saŋgri tiŋguwa ta bike ndakam tuku maŋau tane mboŋge saŋgri tiŋgamŋgat. Wam ta tane kila. Ta tuku tane piti yimyam kaŋgerka gare-garekap. ⁴ŋgamuŋgal son bike ndakam tuku saŋgri ta kusre ndamba biye dewap le ma ma maŋau magenu ŋakmba tane mboŋge mayok kuwaig.

⁵Tane wamdus kuyar mayenu te-fugumba kande tane Kuate yabaŋap le nuŋge suŋgomba tiŋgamŋgat. Nu kilke mbol mbal tuku suŋgomba waknyate tuku. Nu taŋgo wam ande tuwit sulumba nu sawe lika nda tuwit. ⁶Tane Kuate tala ndamba nu kumuŋ ŋga nu yabaŋap. Ande nu wamdus terokate ta nu bubreŋge yu fitte le yu toŋgel tiŋgate taŋaŋ. ⁷⁻⁸Nuŋe mine ŋakmba mboŋge nu wamdus kine inummba tugusemba ke ndakate. Taŋaŋ taŋgo ta Kuate tugumuŋge wam ande tamŋgit ŋga idus ndawa.

⁹Tira kame, tane tuku afu sanzal minig ta tane Yesus mboŋge nyu sugo tade tukunu wam ta tuku ndo payamkap. ¹⁰Tane tuku afu agaŋ ndende suŋgomba ŋak minig ta Yesus tinaig tukunu kile tane kilke mbol mbal am mboŋge nyu kugatok minig. Wam ta tuku tane payamkap. Agaŋ ndende ŋak mbal mindesil bot taŋaŋ pitik kugawamŋgaig. ¹¹Ki promba mindesil bot tugunu piyit le lamba supika ndeka mindepiye

mayenu ta ngisikate. Tanjamba ndo tanjo aganj ndende njak nuje piro ngamuknje nu kummba nuje aganj ndende njakmba kusrekate.

Wam njayonu kam tuku tugu

¹²Tanjo nu piti ait mbolnje wamdus bulok pilmba sangri tingate ta nu gare njak minanu tanjanj minit. Nu piti kuramba kumumbi mayok kuwa sulumba nu abo njak minmba minamngat. Kuate nu nuje kume purde mbal tanjamba ninjam tuku sakina.

¹³Tane tagotinjgam tuku ait mbolnje wam njayonu kam tuku idusde ta Kuatenje ye tagoyate nga sa ndakap. Andenje Kuate wam njayonu kam tuku tagowam kumuŋ kuga. Nu mata tanjo ande wam njayonu kam tuku tago ndate. ¹⁴Tanjo nu nuje nzali njayonunge nu didikate sulumba wam njayonu kam tuku tagote. ¹⁵Nu nzali njayonu kam tuku idusmba minit ma ma nzali njayonu te-mayokmba unekate. Uneka minit le ma ma wam njayonu ta sungoka nu te-njisite.

¹⁶Tira kame, tane kuraukap. Tane wamdus mbarbekaig. Kuate nu sine unekam tuku tago ndasingit. ¹⁷Aganj magenu njakmba nu tugumnje ndekade. Bulu njakmba mine likade Kuate nu tugu. Nu samba tuku bulu kise mayok kinig tanjamba nu kise mayok nda kinit. Nu purfeŋnu ndo minmba minit. ¹⁸Nuje nzali mayok kina le nu nuje pasa tugusekmbi sine kile-patikina le sine nu tuku mbal njakmba ngamuknje sine ambonja nu tuku kiŋo kame mayok kagenj.

Sine Kuate tuku pasa ismba kumube

¹⁹Tira kame, wam te kila palpe. Tane pitik pasa isam tuku kilba palpe. Pitik ndo pasa saka gubra te ndakap. ²⁰Tanjo nu gubra tate ta Kuate nu nzalite manau mayenu te-mayok ndate. ²¹Ta tuku tanjine wamdus kutur tanjine wam njagonu njakmba kusrekap sulumba tane njgan minmba Kuate nu nuje pasa tanjine wamdus sinamnje pilna ta kumnemnje minap. Kuate tuku pasa tanje tane tuku muskil kile-tidinge tinjam kumuŋ.

²²Tane Kuate tuku pasa ismba kumu-kumuwap. Nu tuku pasa isendo kade sulumba sine kumuŋ ngade ta tanjine wamdusnje yabritingit. ²³Tanjo ande nu Kuate tuku pasa isendo ka kumu kumu ndate ta nu tanjo ande kanummbi nuje tumail kinjenmba kangerte tanjanj. ²⁴Nu nuje tumail kangerte sulumba nu kumba nuje tumail ndanj ndanj ta nu pitik gilaingate tanjanj. ²⁵Ande nu Kuate tuku pasa purfeŋnu tanjo tuku muskil kile-tidigate ta ismba nu lato lato kila pilit sulumba gilai ndanja kumu-kumuwa ta nu gare sunjo njak minit.

²⁶Ande ye Kuate dubimba mbariŋet njgate sulumba nu nuje mane kulat ndaka fare fare pasa kile-mayokkate ta nuje wamdusnje yabrite. Nuje mbariŋte manau ta alo kugatok. ²⁷Tane nane munzanu mbal pino

kuembol nane tuku piti sinzaŋniŋmba turkap. Tane kilke te tuku maŋau ŋaigonu ŋakmba kusrekap. Mbariŋ maŋau ta Kuate am mbolŋge tugusek.

Taŋgo tuku mindepiye pile ndaniŋgap

2 ¹Tira kame, siŋgine Suŋgo Yesus Kristus Kuate tugumŋge nyu suŋgo ŋak minit ta tane nu tuku mbal minmba ŋgarosu mindepiye mbolŋge taŋgine tira kame pile ndaniŋgap. ²Pasa te tane katesewam tuku satinŋamŋgit. Kusem ait mbolŋge ande nu tawi mayenu tiŋmba mindepiye mayete le ande nu sanzalnu tawi urfunu tiŋgit le nale kumu kumu prowik. ³Tane taŋgo tawi mayenu ŋak nu make pilmba sakade: O tira, ne sine tugum teŋge mbili mayenu mbolŋge minyoka ŋga sade sulumba taŋgo sanzalnu ta ake agaŋ ŋga ne ka siŋge tiŋga ko pro ibeŋ teŋge minyoka ŋga sade ta ⁴tane Yesus tuku maŋau mbilmba wamduŋ tugusekmbi muŋgu pile ndaŋgade.

⁵Tira kame, tane ye tuku pasa te isap. Kuate nu ima kate Yesus tuku son ŋga nu kulatkate ma sinam kambim tuku madiniŋgina. Agaŋ ndende suŋgomba ŋak mbal e ko sanzal mbal? Nane kilke mbolok mbal am mbolŋge sanzalnu minig mbal ta madiniŋgina. Kuate nu taŋamba nuŋe kume purde mbal nu ndoŋ minmba minamŋgaig ŋga sakina. ⁶Tane ndaŋam tuku mbal ta tumail panningig? Ima kateŋge piti suŋgo tiŋmba tane didika kilmba ka pasa mbolŋge kile-tidingade? Agaŋ ndende suŋgomba ŋak mbalŋge taŋade. ⁷Yesus tuku nyu mayenu tane tinaig ta agaŋ ndende suŋgomba ŋak mbalŋge ŋayo silide.

⁸Kuate tuku pasa ande teŋenmba sakate. Tane taŋgine ŋgarosu tuku kume purde taŋamba ndo tane tugumŋge minig mbal tuku kume purap ŋgate. Tane Kuate tuku tukul suŋgo ta kumu-kumumba minap. ⁹Taŋgine ammbi taŋgine muŋgu pileŋgade ta Kuate tuku tukul pasa taŋge tane mbarde wam ta te-mayokmba tumtiŋgit. ¹⁰Tane Kuate tuku tukul pasa ŋakmba dubika ndindo ndo lukawap ta tane tukul ŋakmba lukakanu taŋaŋ. ¹¹Ta ndaŋam? Kuate nu tukul ande teŋenmba sakina: Taŋgo pino muŋgu kuayar ndakap ŋgina. Nu tukul ande mata sakina: Taŋgo ande bale ndawap ŋgina. Tane muŋgu kuayar ndakade sulumba ande balewap ta tane Kuate tuku tukul pasa ŋakmba lukakanu taŋaŋ.

¹²Tukul kitek Yesusŋge pilna ta sine tukul ta alonu dubikeg e ko kuga. Kuate nu taŋamba sine pilesinŋamŋgat. Sine ta idusmba muŋgu kume purkuba. ¹³Ande nu tukul maŋau kitek dubi ndamba afu mape ndakuwa ta Kuate nu taŋgo ta pilemba mapewe nda. Ande nu afu mapeka minwa ta pilewam tuku kame nu laipamŋgat.

Ŋgamuŋgal tugusek

¹⁴Tira kame, ande nu sakate: Ye Kuate tuku saŋgri tomba tiŋget ŋgate sulumba maŋau ta tuku alonu kile-mayok ndakuwa ta Kuateŋge nu tuku

muskil te-tiwe tuwe nda. Nu ngisinungat. ¹⁵Tangine tira ande tawi le nyamagarj tuku denkuwa le ¹⁶tane nu samba ose tira, ne wamdus bulok njak kaye sulumba ngamunggal mukuk mina nga sawap sulumba nu tur ndawap ta pasa ta nu ndanjmba turamngat nga idusde. ¹⁷Wam ndui tanjarj ndo ande nu Kuate tuku sanjgri tomba tinjgate sulumba ta tuku alonu kile-mayok ndakate ta nu ngamunggal son kugatok minit.

¹⁸Ande nu ye tuku pasa te isam mbulumba tejenmba sakamngat. Ne wam magenu kumba minit ta ye Kuate tuku sanjgri tomba tinjget ngamngat. Nu tanjamba sayuwa ta ye nu tejenmba kusnawamngit. Ye wam magenu ke liket manjau ta mbolnje yije ngamunggal son ne tumnam kumunj ta ne ngamunggal son ngate ta ame manjambi tumyamngat. ¹⁹Mbara ndindo ndo minit nga ne son ngate ta maye ta bukla njagonu nane mata Mbara ndindo ndo minit nga kuru kuru sunjo tade. ²⁰Ne sinjka nginjngan tango ande. Ande nu Kuate tuku son ngate sulumba nu wam magenu ke ndakate ta nu ngamunggal son kugatok minit nga sawamngit.

²¹Ye pasa tembi tumtingamngit. Singine mbuj Abraham nu nuje kijo atrau mbain mbolnje pilmba balemba Kuate tuku atraukam bafuna. Nu wam ta kina le Kuate nu manjau ta kanjgermba Abraham nu ye am mbolnje tinjeknu minit nga sakina.

²²Ata. Nu Kuate tuku sanjgri tomba tinjgina sulumba alonu te-mayokmba wam ta kina. Wam kina ta mbolnje nuje ngamunggal son kumumbi mayok kina. ²³Tanjamba kuyar pasa Abraham tuku sakina ta kumunggina. Pasa ta tejenmba. Abraham nu Kuate tuku sanjgri tomba tinjgina le Kuate nu tuku ngamunggal son ta kanjgermba nu tango tinjeknu ngina. Tango te ye tuku gulab ngina. ²⁴Ata. Ande nu Kuate tuku son nga wam ta tuku alonu turmba kile-mayokkate ta nu Kuate am mbolnje tango tinjeknu minit.

²⁵Ye pasa andembi manj tumtingamngit. Rahab nu tango didik farmba minna le Yosuanje Zu tango armba kukulnikina le pino ta tuku tumbraj wam katesewam pronaike le nu nale tuku pasa ismba Kuate nu kumunj nga nu nale turka lukam tuku ndin kise tumnikina. Nu wam kina ta nu Kuate am mbolnje tinjeknu mayok kina.

²⁶Ne tuku kanu ngarosus kusrete ta ngarosus nu kumaknu minit. Tanjamba ndo ne ye Kuate son njget nga ta tuku alonu kile-mayok ndakate ta ne tuku ngamunggal son mata kumaknu minit.

Mane fudiendo ta sanjgri njayo

3 ¹Tira kame, sine Kuate tuku pasa kukliweg mbal nane afu sine tuku mbar manjau kanjgerkam tuku kulatkade. Ta tuku tane gudommba piro ta pitik nda tap. ²Sine njakmba mbareg tuku. Ande nu nuje mane tugu kulat mayete ta nuje ngarosus tuku nzali njakmba kile-ibenjam kumunj. Tango ta nu purferjnu.

³Hos pongade mbal ta nane ain fudiŋndo tumba nanŋine nzali dubiwam tuku hos tuku miŋgek sinamŋge patikade. Ain ŋai fudiŋndo tambi agaŋmor sunŋokanu ta mbilam kumuŋ.

⁴Waŋ tuku maŋau mata kaŋgerap. Waŋ sunŋokanu bubre sunŋo tiŋga waŋ kadute le pinderkate. Waŋ kulat taŋgo nu animbi kambim tuku iduste sulumba ulum ŋai fudiŋndo tambi waŋ sunŋo ta mbilte le bubre kuerka kinit.

⁵Taŋamba ndo mane nu agaŋ ŋai fudiŋndo ta saŋgri ŋayo minit. Nu wam sugo ke likate ta tuku payamkate. Pa mirmin fudiŋndo ta duŋe sinamŋge ndeka pa sunŋo tiŋgate. ⁶Taŋamba ndo siŋgine mane te mata pa taŋaŋ. Nu agaŋ ŋai fudiŋndo kilke te tuku wam ŋaigonu ŋakmba kile-mayokkam kumuŋ. Nu Satan tugumŋge wam ŋaigonu kilmba ŋgarosu kutur tuwit sulumba taŋgo tuku mine ŋayo silite.

⁷Taŋgoŋge agaŋmor yimyam, sar umaŋ, agaŋ rabmba likade, kualegaŋ ta ŋakmba kuapi niŋmba kulatkade le ŋgan patikade. Nane afu buk taŋanaig ta ⁸taŋgo nu nuŋe mane taŋamba kulatka te-ibeŋam kumuŋ kuga. Mane te agaŋ ŋayonu ndo. Nu kame mbeŋ taŋaŋ kame agaŋ ŋak minmba mburerikate. ⁹Sine siŋgine mane tembi siŋgine Mam Sunŋo tuku nyu te-duŋgeg sulumba maŋ taŋgo kasureg. i ... Kuate nu taŋgo nuŋe suk wakeina. ¹⁰Miŋge ndui tembi nyaro pasa saka kasur pasa mata sakeg. O tira kame, wam ta ŋayonu ndo. ¹¹Kule burok ndui tambi kule mayenu kaglinu turmba prowam kumuŋ kuga. ¹²Fik ail mbolŋge olif alonu prowam kumuŋ e? Ko grep muli mbolŋge fik prowam kumuŋ e? Yu sinamŋge mata kule prowam kumuŋ kuga.

Wamdus kuyar tugusek

¹³Tane ŋgamukŋge ima nu ye kila sunŋo ŋak wamdus kuyar mayewet ŋga iduste. Ariya. Ne wamdus kuyar tugusek tuku alonu kile-mayokka wam magenu ke lika mine mayenu mbolŋge mina sulumba naŋe nyu payam ndaka. ¹⁴Ne nane afu tuku mine mayenu tuku gubra pilmba naŋe ŋgarosu ndo idusmba ŋakmba tidon panka minit ta naŋe nyu payamka ye wamdus kuyar mayenu ŋak minet ŋga yabri ndaka. ¹⁵Ande nu taŋamba wamdus kuyar pilit ta Kuate tugumŋge te ndakate. Kilke te mbolok kila Satan tugumŋge tate. ¹⁶Afu nane afu tuku mine mayenu tuku gubra pilmba nanŋine ŋgarosu ndo idusmba ŋakmba tidon pankade mbal nane ŋgamukŋge gubra maŋau sunŋoka nane pur yimyamkade sulumba wam ŋaigonu gudommba ke likade.

¹⁷Ande nu ŋgamuŋgal kuyar tugusek Kuate tugumŋge tate ta nu alonu teŋenmba kile-mayokkate. Nu maŋau purfeŋnu dubimba gubra kugatok wamdus mukuk minmba nu afu tuku pasa pitai ndaka nu ŋakmba sinanu wam magenu nane mbolŋge ke likate. Nu yabri maŋau kugatok wamdus ndindombi nane afu mbolŋge wam tugusek ke likate.

¹⁸Nane nğan minmba wamdus mukuk tanjo nğamuknge te-mayokde mbal alonu nane mbolnge manau tijreknu mayok kinig.

Kilke te tuku manau ndonj ulendi ndakap

4 ¹Nğarusu tuku nzali yimyam tanjine wamdus sinamnge kame bumba minig. Ta tuku tane kualeyauka pasambi kame bude.

²Tane wam afu kilam idusde ta tane kilam fugumba ande balewam idusde. Tane wam afu kilam tuku am kikonj tingade ta kilam fugumba kualeyauka kame bude. Tane Kuate wam afu yabanj ndade tukunu tane wam ta denkanu minig. ³Ko tane wam afu kilam tuku Kuate yabanjde ta tane tanjine nzali dubikam idusde tukunu Kuate nu nda tingit.

⁴Tane Kuate ndo idus ndade. Ande nu kilke te tuku manau ndonj ulendikate ta nu Kuate tuku nğueu minit. Wam ta tane kila. Tane kilke te tuku manau ndonj ulendikam idusde ta tane Kuate tuku nğueu tanjo mayok kinig.

⁵Kuate tuku pasa ande tejenmba sakate. Tukul Guwa Kuate nu singina ta sine Kuate ndo idusam tuku nu sanjri njak sine kulatkate. ⁶Nğarusu tuku nzali yimyam kile-ibenjka Kuate ndo idusam tuku nu ake sinanj sine lato lato make patikate. Kuate tuku pasa ande tejenmba sakate.

Mbe mbolmbolkade mbal Kuate nu nane ndonj nğueu minit. Nyu te-ibenjmba minig mbal nu ake sinanj nane make patikate ngate.

Sindaun 3.34

⁷Ta tuku tane nğan patika Kuate kumnemnge minmba tane sanjri tinga dirnanja minap le Satan nu tane kusreka kua kanjat. ⁸Tane Kuate tugum kape le nu tane tugum prowamngat. Tane mbarde mbal tane tanjine une manau kusrekap. Wamdus ar ar njak minig mbal tane wamdus njaigonu kusrekap sulumba wamdus ndindo njak purfejnju minap. ⁹Tane tanjine une tuku sinanu Kuate am mbolnge malmbikap. Tanjine nzumilkade manau mbilmba wamdus piti sunjo tap. Tane gare manau mbilmba ye mbaren nja kikonu lok minap. ¹⁰Tane tanjawap ta Sunjo nu tane kilmba kile-mayokkamngat.

Tira ande pile ndawap

¹¹O tira kame, tane tanjine tanjine munju nğumnem pasa sa ndakap. Ande nu tira ande tuku nğumnem pasa sakate ko nu pilete ta nu Kuate tuku tukul turmba nğumnem pasa tumba pilete. Ne Kuate tuku tukul pilete ta ne tukul ta dubi ndate. Ne tukul tuku ma tumba nanje ma ta tukulnge tate le ne tukul tuku pile tanjo mayok kinit. ¹²Kuatenge ndo tukul kile-mayokka sine tuku pile tanjo minit. Ande mine ndakate. Nunje ndo sine tuku muskil kile-tidingam kumu. Nunje ndo sine pitaikam kumu. Ne ima le tira ande pilete?

Payamkam tuku manau kuraukap

¹³Tane afu tejenmba sakade. Kite ko indole ye tumbranj sunjo ande mbol kumba tanje yar ndindo piroka ndametinj sunjomba kilamngit ngade. Tane

tañamba sakade mbal pasa te isap. ¹⁴Indole wam ande prowam tuku ta tane gilai minig. Tane tuku abo guwa bidu tañaj kile kañgereg le pitik kugate tañaj. ¹⁵Ta tuku tane teñenmba sakap: Kuate nuñe nzali dubiwa le sine abo minbe sulumba sine tañamba tañamba kamñgig ñga sakap. ¹⁶Tane mbe mbolmbolka tañgine ñgarosu ndo payamkade mañau ta ñakmba ñaigonu ndo. ¹⁷Tane wam magenu kam tuku kila ñak minmba ke ndakap ta tane mbarde.

Agaj ndende tuku ndo idusde mbal piti tamñgaig

5 ¹Agaj ndende gudommba ñak mbal tane pasa te isap. Tane piti sugo kañgerkamñgaig ta tuku tane malmbi sungowap. ²Tañgine agaj ndende ta menñgam tuku minig. Tañgine tawi magenu subingne nyam tuku minig. ³Kile kugawam tuku ait te mboñge tane kilke te tuku agaj ndende kile-mañgurkade ta tañgine ndametiñ use purka sasukam tuku minig. Tane tañgine miroñ ndo idusmba ndametiñ tode le use purka sasukade. ñgumneñga tañgine mbar use purkade wam ta mboñge kilimok mayok ka pa tañaj tiñga tañgine ñgarosu pasokamñgat.

⁴Tane isap. Piro mbal tane tuku piro mboñge nyamaganj kilnaig ta tane kumumbi nane piya niñge ndakinaig. Piya inumnu tane tugumñge minig tañge tane tuku mbar te-mayokte. Piro mbal tuku malmbi ta Kuate Sunjo nu isit. ⁵Tane agaj ndende magenu ñak gare sunjo tumba nzumilka minig mbal tane agañmor buk nyam tuku kumungate tañaj tane baletingam tuku ait patukate. ⁶Tane tañgo magenu kilmba yabri pasa mboñge patika bale farninginaig ta nane nanjine ñgarosu turam tuku sanjri kugatok.

Tane ñgan minap

⁷Tira kame, tane wamdus bulok minmba Sunjo prowam tuku tairñga minap le ma ma nu prowamñgat. Tane piro miro tañgo tuku mañau kañgerap. Nu nyamaganj ñgu deñpurmba wamdus bulok minmba alonu tairñga minit le sawe piymba ka ka ki prote le nyamaganj kilit. ⁸Tañamba ndo tane ñgamunjal wamdus bulok ñak minmba sanjri tingap. Sunjo prowam tuku ait buk patukate.

⁹Tira kame, tañgine tañgine munju gubra pile ndakap. Tane tañawap ta Sunjo nu tane piletinjamñgat. Nu prowam tuku ait buk patukate. ¹⁰Tuan tañgo kame Kuate tuku pasa kuklimba nane piti ait mboñge ñgamunjal mukuk wamdus bulok minmba sanjri tinginaig wam ta ndo tane idusmba kumu-kumuwap. ¹¹Nane piti sugo kañgerka dirnanjinaig tukunu nane gare sunjo ñak mbal ñgeg. Yob nu piti sinamñge ñgamunjal mukuk ñak minmba sanjri tiñga minna. Sunjo nu tañgo mapeka sinzañningit tañamba ndo nu ñgumneñga Yob make pilmba sinzañna.

Wam pagu pasa yeki yeki

¹²Tira kame, ye pasa sunjo te satinjamñgit. Tane pasa ande sakam ñga ki am mboñge ko kilke am mboñge ko agaj ande nyu mboñge tañgine

pasa sanjri pile ndawap. Tane au ngam idusmba kande au ndo ngap. Kuga ngam idusmba kande kuga ndo ngap. Tane taŋa ndawap ta Kuate nu tane kilmba pasa mbolŋge kile-tidŋgamŋgat.

¹³Tane tuku ande piti ŋak ndeta nu Kuate yabaŋwa. Ande nu wamdus bulok ŋak ndeta nu Kuate tuku nyu te-duŋga mune ulwa.

¹⁴Ande nu guaze ŋak ndeta Yesus dubide mbal tuku gabat kame wikuwa le nane nu tugum promba Suŋgo tuku sanjri idusmba gureŋ pismemba yabaŋwaig. ¹⁵Tane Suŋgo tuku sanjri tomba tiŋga nunge guaze pitaiwamŋgat ŋga yabaŋap ta nu taŋgo ta tuku muskil te-tiwe tambimŋgat. Nu guaze taŋgo te-tiwa sulumba nu tuku une ta ŋakmba sauke tambimŋgat. ¹⁶Ta tuku taŋgine une afu taŋgine taŋgine tira kame ndoŋ kile-mayokka sakap sulumba tane maŋ mage minam tuku Kuate yabaŋap. Taŋgo tiŋreknu ande nu Kuate yabaŋwa ta nu tuku yabaŋ maŋau sanjri ŋak. ¹⁷Tuan taŋgo Elia nu sine mineg teŋen taŋgo. Nu sawe nda piywa ŋga nu wamdus sanjrinu pilmba Kuate yabaŋna le yar keŋmba tambun 6 sawe piye ndakina. ¹⁸Nu maŋ sawe piywa ŋga yabaŋna le sawe piyana le kilke mbolŋge nyamagaŋ ŋakmba tiŋginaig.

¹⁹Tira kame, tane pasa te kila palpe. Tane tuku ande tugusek maŋau kusremba bariŋga ndekuwa le andeŋge nu te-luka tumba Kuate tugum prowa ta nu wam mayewamŋgat. ²⁰Ande nu une taŋgo tumba ndin mayenu tumte le nu ngamuŋgal biye mbilmba nunge mbar kusrekate ta nu taŋgo ta tuku kanu turte le nu ŋgisike nda. Kuate nu tuku une sauke tuwit.

Son.